

lan era pur duro, et il conte Alvixe Avogaro si havia operato assai, *unde* ditto castelan mandò a parlar a esso provedador uno Francesco di Quartari, fo mandato li per il ducha di Milan quando nostri passò Ojo, et reduti solo col provedador in una chiesa portò li capitoli non però molto discrepanti di li primi ma disformi, et vol ducati 25 milia, e dittoli non si voleva dar tanti danari, tornò in castello e ritornò fuori dicendo questa era la sua ultima resolution, et haver zorni 9 di tempo da poter mandar a dir al signor Lodovico lo socori, *tamen* si venisse tutta Alemagna zoso si daria a la Signoria. *Item*, lui Francesco di Quartieri vol esser fato zentilhommo nostro per esser di bona fameja, à ducati 200 di provision a l'anno in vita soa e do lochi *videlicet* Viadana et uno altro loco, et ducati 2000 in contadi de presente, et cussi ha concluso in *nomine domini* e promesso *dummodo* fazi il castelan cali la summa di danari. Et in pregadi fo mormorà per tutti di questo, et haver concluso senza saputa dil collega e tutti eridava, *tamen* perchè per collegio in questi zorni li fo scritto non dovesse restar per danari et altro, et haver ditto castello, per dubito etc., li savi si strenseno senza dir altro.

Conduetieri hanno fato la mostra in campo.

El signor Bortolo d'Alviano, curaze 150		
con balestrieri	N. 70	
El conte Zuam Francesco di Gambara,		
curaze 50 manca cavali uno	» 0	
El conte Bernardin	curaze 248	» 14
Justo Corso	» 24	» 0
El conte Alvixe Avogaro	» 59	» 1
Domino Tadhio da la Mo-		
tella	» 60	» 0
Lodovico de Sermoni	» 20	» 0
Francesco Beraldo	» 20	» 0
Carlo Secho	» 40	» 2
Domino Alexandro Cojom	» 60	» 1
Anguilareshi	» 25	» 1
Domino Zuam Diedo	» 25	» 0
Brazo	» 20	» 2
Domino Zuam Paulo Man-		
fron	» 100	» 1
Domino Antonio di Pij	» 46	» 0
Filippo Albanese	» 44	» 1
Compagnia di Talam da		
Carpi	» 100	» 3
Lazarin da Rimano	» 20	» 0
El conte Filippo di Rossi		

non fece mostra per haver mandà in Parmesana zente, ha di conduta curaze 100 N. 0

Domino Anzolo Francesco da Sant' Anzolo non fe' mostre, ha a Trevi » 25 » 0
Sumano curaze 1246, manca cavali 27.

Lo illustre conte di Pitiano curaze 211
Balestrieri a cavalo » 80
Stratioti » 22
Consejeri per la soa persona » 16
Cavali, do trombeti, canzelier e ofi-
ciali de fameja » 36
Muli da cariazo » 20
Summa cavali 1096 perchè ha molte curaze da cavali 5 l'una, sichè vien haver fato bella mostra.

In questo pregadi fu fato el scrutinio di do oratori in Franza, et rimase sier Beneto Zustignam et sier Nicolò Michiel doctor et cavalier come apar qui sotto, quali aceptono poi.

Item, fu fato per scrutinio capitano di le galie grosse sier Tomà Zen el cavalier fo capitano di le nave armade: have balote 171 che fo tutto il consejo, fu sotto sier Hironimo Pixani fo capitano a Bergamo, have 80, steno il pregadi molto tardi a far questi scrutini.

Scrutinio di do oratori al re di Franza apresso de li do za electi.

† Sier Bortolo Zustignam, savio di terra ferma, q. sier Pangrati	141
† Sier Nicolò Michiel doctor, el cavalier l'avogador di Comun	125
Sier Marco Dandolo doctor e cavalier, fo ambador a Milan	105
Sier Zorzi Emo, è di pregadi, q. sier Zuam el cavalier	93
Sier Francesco Foscari el cavalier, fo podestà a Vicenza, q. sier Alvixe	68
Sier Francesco Capello el cavalier, fo ambador in Spagna	67
Sier Zuam Badoer el doctor, fo ambador in Spagna	55
Sier Marco Lipomano el cavalier, fo ambador a Milan	53
Non sier Nicolò Foscari, savio dil consejo, q. sier Alvixe procurator per il parentà.	
Non sier Polo Barbo el consejer, q. sier Andrea	